

PWYLLGOR PENODIADAU

Cofnodion y cyfarfod rhithiol a gynhaliwyd 29 Mawrth 2022

YN BRESENNOL:	Cynghorydd Ieuan Williams (Cadeirydd) Cynghorydd Bob Parry OBE FRAgS (Is-gadeirydd) Cynghorwyr R Dew, Glyn Haynes, T LI Hughes MBE, K P Hughes, Vaughan Hughes ac R Meirion Jones.
WRTH LAW:	Prif Weithredwr, Pennaeth Proffesiwn (Adnoddau Dynol) a Thrawsnewid, Cyfarwyddwr Corfforaethol Interim (Busnes y Cyngor)/Swyddog Monitro (ar gyfer eitem 6 yn unig); Rheolwr Adnoddau Dynol (CW), Swyddog Adnoddau Dynol (NH), Swyddog Pwyllgor (MEH).
YMDDIHEURIADAU:	Cynghorwyr Llinos Medi Huws ac A M Jones.
HEFYD YN BRESENNOL:	-

1 DATGANIADAU O DDIDDORDEB

Bu i'r Cynghorydd R Meirion Jones ddatgan diddordeb personol gan ei fod yn adnabod un o'r ymgeiswyr, yn dilyn cyngor cyfreithiol roedd modd iddo gymryd rhan yn y cyfarfod.

2 COFNODION

Cadarnhawyd bod cofnodion y cyfarfod a gynhaliwyd ar 4 Mawrth, 2022 yn gywir.

3 CAU ALLAN Y WASG A'R CYHOEDD

PENDERFYNWYD:-

“O dan Adran 100 (A) (4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem a ganlyn oherwydd y tebygolrwydd y caiff gwybodaeth ei rhyddhau a honno'n wybodaeth y gwneir eithriad ohoni yn Atodlen 12A y Ddeddf honno ac yn y Prawf Budd y Cyhoedd sydd ynghlwm.”

4 PENODIADAU STAFF

Dirprwy Brif Weithredwr

Adroddodd y Pennaeth Proffesiwn (Adnoddau Dynol) a Thrawsnewid a'r Rheolwr Adnoddau Dynol, yn unol ag argymhelliad y Pwyllgor Penodiadau ar 4 Mawrth 2022, y lluniwyd rhestr fer ac yn dilyn hynny cynhaliwyd proses recriwtio pum cam gyda chytundeb y Pwyllgor Penodiadau fel â ganlyn:-

- Prawf seicometrig a chyfweliad dilynol
- Asesiad MTQ48 mewn perthynas â chadernid a gwytnwch meddyliol;
- Asesiad sefyllfa yn profi dyfnder a manylder gwybodaeth mewn perthynas â'r swydd;
- Cyfweliad proffesiynol gyda'r Prif Weithredwr, cyn Brif Weithredwr Cyngor Ceredigion a'r Pennaeth Proffesiwn (Adnoddau Dynol) a Thrawsnewid;
- Cyfweliad ffurfiol gyda'r Pwyllgor Penodiadau.

Yn dilyn y cyfweliad ffurfiol, **PENDERFYNODD** y Pwyllgor Penodiadau:-

- **benodi Mr Rhys Howard Hughes i'r swydd Dirprwy Brif Weithredwr;**
- **y dylai'r Adran Adnoddau Dynol hysbysebu'r swydd Cyfarwyddwr Addysg, Sgiliau a Phobl Ifanc gan ddilyn y broses arferol ar gyfer hysbysebu Uwch Swyddi am gyfnod o 3 wythnos.**

5 CAU ALLAN Y WASG A'R CYHOEDD

PENDERFYNWYD:-

“O dan Adran 100 (A) (4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem a ganlyn oherwydd y tebygolrwydd y caiff gwybodaeth ei rhyddhau a honno'n wybodaeth y gwneir eithriad ohoni yn Atodlen 12A y Ddeddf honno ac yn y Prawf Budd y Cyhoedd sydd ynghlwm.”

6 PENNAETH GWASANAETHAU DEMOCRATAIDD – TREFNIADAU INTERIM

Cyflwynwyd - adroddiad gan y Pennaeth Proffesiwn (Adnoddau Dynol) a Thrawsnewid mewn perthynas â'r trefniadau dros dro o ran y swydd Pennaeth Gwasanaethau Democrataidd.

PENDERFYNWYD:-

- **Diwygio rôl y Dirprwy Brif Weithredwr dros dro i gynnwys swyddogaethau statudol y Pennaeth Gwasanaethau Democrataidd yn unol â Mesur Llywodraeth Leol (Cymru) 2021 a Mesurau Llywodraethiant Cymru 2021 ond yn amodol ar yr amod, tra'n gweithredu swyddogaethau statudol y rôl hon, nad oes modd iddo weithredu'r pwerau sydd wedi eu dirprwyo i, na gweithredu fel, y Prif Weithredwr yn unol â pharagraff 3.5.3.2.10 o'r Cyfansoddiad;**
- **Bod swydd dros dro Rheolwr Busnes Gwasanaethau Democrataidd yn cael ei chreu ac yn cael ei hysbysebu yn unol â'r prosesau AD arferol, er mwyn rheoli a darparu cefnogaeth i weddill yr uned gwasanaethau democrataidd bresennol;**
- **Bod adroddiad gwerthuso opsiynau i ddilyn yn cynnwys manylion am ddyfodol y cyfrifoldeb democrataidd statudol a strwythur yr uned ddemocrataidd bresennol.**

**CYNGHORYDD IEUAN WILLIAMS
CADEIRYDD**